

JOANNIS CLERICI NOTAE IN INDICEM GEOGRAPHICUM NIC. SAMSONIS.

A.



BDON & MADON non possunt confundi ab Hebraicè scientibus; nam עברן *habran*, aut עברון *habdon* nimium differunt à voce מרון *madon*. Vult mutari *Samson* ב *Beth* in מ *Mem*, quod potest fieri, quia litteræ sunt ejusdem organi, nec res caret exemplis; sed tamen, sine necessitate ulla, non est statuendum. Præterea vult inverti primam syllabam; quod vulgò non fit, apud Hebræos. At duæ priores appellationes *Abdon* & *Abran* potuerunt facilius misceri, ob similitudinem elementorum Resch ר & Daleth ד, quæ sæpe confusa sunt, in nominibus propriis. Vide *S. Bochartum Phalegi Lib. III. c. 6. & 10.*

ABELA. Non malè judicat vir doctissimus *Abel-Maacha*, *Abel-Beth-Maacha*, *Beth-Maacha*, *Abel-Domus-Maacha* & *Abel-maim* unum idemque esse nomen. Sed locum 2 Reg. xx. 14. transferat per omnes tribus Israël in *Abelam* & *Beth-Maacha*; malè vult emendari, quæ *Beth-Maacha*; nam in Hebræo codice hîc est disertè: אבלה ובית מעכה *Abelam* & *Beth-Makacham*, eaque copula non à Latino dumtaxat Interprete, sed & à Græcis expressa est. Mallem conjunctionem ו *Vau* interpretari aut, quem significatum sæpe obtinet. Ceteroqui rectè judicat unam eandemque esse civitatem, quamvis non sint temerè miscendæ urbes quæ distinguuntur conjunctione, sed dumtaxat re ita necessariò postulante; quod non semper observavit vir eruditus, ut postea liquebit.

ABILINA. A nemine dicta est *Lysanii*, nisi ab Interprete Latino *Ptolemæi*, qui debuit vertere *Lysania*; nam Λυσανίς est à Λυσανίας, non Λυσάνιος. Vide *Abr. Berkelium* ad *Stephanum*, ad vocem Abile. Versio illa *Ptolemæi* crassis mendis, & audacibus, alienisque additamentis tota fermè scatet, quamvis à *Pet. Montano*, ut in Præfatione monemur, emendata. Itaque temerè fecerit, quisquis ei fidem, non inspectis Græcis, habuerit; quod noster hic fecisse videtur. Ceterum de Abilene adito sæpius posthac laudandum *Joannem Lightfootium* Chorographicorum *Lucæ præmissorum* Cap. i. Sect. 7.

ACANTHALAUNOLA. Est vox corrupta, quam desumpsit vir alioqui Geographiæ peritissimus, sed Linguarum Hebraicæ & Græcæ rudis, ex versione Latina *Josephi* de *Bello Jud.* Lib. v. c. 6. in Græcis, 2. in Latin. pag. 907. Ed. Genevensis. Ubi hæc legimus: *castra ponit in loco, quem Judæi sermone patrio Acanthonaula vocitant.* Sed audi Græca: στρατοπεδεύεται καὶ ἐν ὑπὸ Ἰσραὴλ πατρίως ἀκανθῶν αὐλῶν καλεσµένον, *castrametatur in valle quæ à Judæis patrio sermone spinarum dicitur.* I nunc & crede versionibus Latinis Græcorum scriptorum! Liquet enim *akanthôn-aulôna*, deformatum in *Acanthonaula*.

ACCARON. Videtur meritò *Samsoni*, quæ vocatur *Accaron* Jos. xv. 45. eadem esse quæ dicitur *Acron* ibidem Cap. xix. 43. Debuit utrobique dici *Accaron*, ut habent Lxx Intt. nam est utrobique in Hebræo עקרן *hekron*, pro punctatione Masorethica.

ACCO. Facile concesserim *Acco*, *Accho* & *Accon* unum idemque nomen fuisse, Hebraicè עכו *haccho*. Sed *Achsaph* sive *Axaph* perinde esse non puto, nec Linguae Hebraicæ genius patitur אכשף *achschaph* cum superiore nomine misceri. Fuit sine dubio urbs distincta à *Ptolemaïde*, sive *Acchone*.

ADOMIN. Imò *ADOMIM*, nam est Hebraici אדמים *adummim*. Cum sic postulet usus Linguae Hebraicæ, & sic habeant Lxx Intt. stultum est imitari peccata exscriptorum veterum Hebraicè nescientium, quæ in nominibus propriis innumera sunt, ut liquet vel ex libro *Eusebii* de *locis Hebraicis*. Auris imperita & minùs attenta facilè miscet terminationes in IN & IM.

AUDUREM. Mendum est Typographicum, pro *Adurem*, ut vocatur in Vulgata, Hebraicè הדורם *hadoram* Gen. x. 27.

AEGYPTI TORRENS. Videtur esse ipse Nilus. Vide notata ad Num. xxxiv. 5.

AEGYPTUS. Satiùs fuisset omittere historias itinerum in Aegyptum susceptorum & tradere divisionem Aegypti in superiorem & inferiorem. Qua de re vide *Sam. Bochartum Phalegi* Lib. iv. Cap. xxiv.

AEMATH. Non una urbs vocatur in Scriptura *Chammath* חמת. Erat enim sic dicta in Tribu Nephthalis, ad occasum Jordanis & cujus meminit *Samson*. Erat & in Tribu Ruben